

**Kalaallit Nunaanni eqqartuussisarnermik inatsisip allanngortinnera pillugu inatsisissamut siunnersuutip eqikkarnera (Pinerluttulerinermi suliani il.il. meeqqanut inuusuttunillu video atorlugu killisiuineq)**

Inatsisissatut siunnersuummi siunertaq tassaavoq video atorlugu killisiuilluni aaqqissuussinermik taaneqartumut atuuffiata annertusineqarneratigut pinerlunnermut ilungersunartumik nalaataqarsimasutut imaluunniit ilisimannittutut ilimagineqartut meeqqat inuusuttullu illersorneqarnerisa pitsaanerulersinnisaat. Aamma aaqqissuussinermi allannguutinik ataasiakkaanik allanik allannguisoqarnissaa siunnersuutigineqarpoq.

Video atorlugu killisiuinerup kingunerisaanik videomut immiunneqartumik meeraq inuusuttorluunniit pinerluttulerinermi suliami paasiniaasoqarnerani nassuiaassaaq aamma meeqqap inuusuttullunniit eqqartuussivimmi takkunnissaanut tasanilu killisiorneqarnissaanut taarsiullugu eqqartuussutissap isumaqatiginninniutigineqarnerani uppersaatitit takutinneqarluni. Video atorlugu killisiuineq politiinut unnerluutiginninnerup kingorna piaarnerpaamik avatangiisini toqqissisimanartuni ingerlanneqassaaq, killisiuineq video atorlugu killisiuinissamut immikkut ilinniarsimasunik ingerlanneqarluni.

Inatsisissatut siunnersuutip pingaarnertut imai ukuupput:

- Video atorlugu killisiuinerup atuuffia, ullumikkut meeraq 13-it inorlugit ukioqarpat aallaaviatigut taamaallaat atorneqartussaq, annertusineqassaaq, pingaartumik taamaalilluni siunissami kinguaassiutitigut pinerluttuliorneq, qanigivallaakkamik atoqateqarneq imaluunniit ilaqutariit iluanni persuttaasoqarsimanera pillugu suliani meeqqanik 13-14-inik ukiulinnik video atorlugu killisiuinertut taamaallaat ingerlanneqartalerluni.
- Meeqqat inuusuttullu, video atorlugu killisiorneqarsimasut, erseqqilluinnartumik aallaaviatigut eqqartuussutissap isumaqatiginninniutigineqarnerata nalaani

ilisimannittutut nassuiaateqarnissamut ilaatinneqassanngillat, video atorlugu killisiuinissamut piumasaaqatit killisiuinerup nalaani piffissami naammassineqarsimappata.

- Aalajangersarneqarpoq illersuisoq imaluunniit pasineqartoq, video atorlugu killisiuinerup uppersaatit atorneqarnissanut akerliliisut, assersuutigalugu video atorlugu killisiuinerup piumasaaqatit naammassineqarsimangitsut pineqartoq isumaqaruni, aallaaviatigut video atorlugu killisiuinerup ingerlanneqarneraniit kingusinnerpaamik sapaatit akunneri sisamat kingorna apeqqut eqqartuussivimmut suliassanngortinneqarsinnaavoq.

Inatsisissatut siunnersuummi pinerluttulerinermi suliani meeqqanik inuusuttunillu video atorlugu killisiuineq pillugu Strafferetsplejeudvalgip isumaliutissiissutaani nr. 1554/2015-mi video atorlugu killisiuinerup atorneqarnerata annertusineranut iluseq siunnersuutigineqartoq tunngavigineqarpoq.